

KUV NAM LUB NEEJ THAUM HLUAS

By Npauj Npaim Yaaj
2nd Year Hmong Heritage Class

Kuv nam hab kuv txiv yug tau plaub tug tub hab plaub tug ntxhais. Kuv nam yog tug ntxhais nraab, hab yog tug ntxhais thib peb. Thaum nwg luj hlub huv teb chaws Nplog, nwg has tas ua ib tug ntxhais tsis yooj yim. Cov ntxhais yuav tsum sawv ntxuv ntxuv thaum tseem tsaus ntuj, ua ntej tug qab qua. Yog yug sawv thaum tug qab qua hua tom qaab nuav ces, luas yuav has tas yug yog ib tug ntxhais tub nkeeg. Hab thaum yug sawv lawm, yuavtsum txhob ua nrov nrov hab moog kev maam maam, yug has paub cai. Nwg has tas lub sibhawm nwg lomzem tshaaj yog thaum noj peb caug xyoo tshab.

Nwg qha Yeej, kuv tug nug, hab kuv has tas thaum nwg tseem yog hluas nkauij, nwg keej has kwv txhaj heev le. Cov Hmoob nyob nwg lub zog dlav Hmoob tuaj paab kuv nam cov nug ua teb hab thov kuam puab pub kuv nam moog has lug txhaj hab pov pob lwm lub zog. Puab laav has tas puab maam saib zoo zoo, tsi pub leejtwg nteg le. Kuv nam txaaj muag hab has tas nwg tsi kaam moog. Yog puab thov kuam tau nwg tug phoojywg Npaub nrug nwg moog, nwg has kaam. Tes cov Hmoob tso puab cov tuabneeg moog thov Npaub nam hab txiv.

Puab coj kuv nam hab nwg tug phoojywg moog rua ob peb lub nroog. Kuv nam keej has lug txhaj heev le. Nwg has tau rua kaum nub tawm. Cov txiv neej xaav noog heev le ces tsi kaam kuv nam moog pw le. Thaum tsaus ntuj, puab tseem xaav kuam nwg has kwv txhaj rua puab. Cov nom ntawm cov zog hov caw kuv nam hab nwg tug phoojywg moog noj mov rua qhov puab has tas ob tug tshaib plaab heev lawm. Cov nom cov quas puj tsau tau mov, nqaij, hab zaub ntawm lub tsum mov rua puab noj. Cov nom saib kuv nam noj mas kuv nam txaaj muag heev, nwg haus kua xwb. Kuv qha has tas cov txiv neej sawv thoob plawg cig nwg es nwg pov pob rua puab. Muaj cov laug ntau tug xaav noog nwg has lug txhaj. Thaum kuv nam moog Teb chaws Nplog plaub xyoo ndlau lug nuav, tej txhas txivneej laug thaum ub tseem ncu qaab txug kuv nam hab tuaj thov kuam nwg has ob peb zaaj rua puab. Mas kuv nam has tas nwg yuav quas yawg hab nwg laug lawm, nwg tsi kaam has.